

Kuenta di Wiels ku mas di 900 mil dòler na Miami

RST ta sospechá dos hende den Pueblo Soberano a haña sèn

PUNDA—Dos prominente den Pueblo Soberano, kisas unu di nan defuntu Wiels a risibí sumanan kuantioso riba(n)kuentanan di banko na Miami.

Esaki ta lokual fuentenan den seno dje investigashonnan di RST a konfirmá na Vigilante. Manera publiká ku karakter di primisia siman pasá, RST a bin dal den un kuenta di banko di Helmin Wiels na Miami. Manera t konosí, awor ku e sospechosonan material ta enkarselá pendiente nan tratamentunan penal na 2014, RST i TGO a kuminsá aktivamente riba e asina yama "money trail" den kaso Wiels. Nan tei buska e kanalnan di sèn ku a kondusí na morto di e lider Soberano. Durante e investigashonnan aki, RST a interogá diferente persona inkluso miembronan di Pueblo Soberano, miembronan di otro partidonan polítiko, periodistanan i komersiantenan kende nan tur tabatin kontakto sea personal òf via telefon ku Helmin Wiels.

E investigashon dje trayekto di sèn a bin resultá te na Miami unda RST a kuminsá investigá kuentanan bankario i unda Helmin



Kuenta: un kuenta mionario na Miami riba nòmber di Wiels a habri pistanan nobo pa kana ariba den direkshon dikun 5 di mei último e lider polítiko a haña su morto.

Wiels tabata bai. A deskubri entre otro estadia den e luhoso bario di Coral Gables, unda Wiels den kompania di un prominente miembro di Pueblo Soberano mas tabata keda. Einan, entre final di 2011 pa inisio di 2012, Helmin Wiels a bai Miami i no a tuma muchu kontakto ku Kòrsou mas via su tele-

fonnan selular. Testigunan, manera publiká, a mira Wiels ta kore rònt den un outo luhoso di BMW i den kompania di famia di unu dje sinku sospechosonan aktornan intelektual di su mes asesinato.

RST a bin kai den shòk, despues ku asistensha di outoridatnan bankario federal estado unidense, a deskubri un kuenta di riba 900 mil dòler di Helmin Wiels. RST ta trahando duru pa averiguá fo'i unda Wiels a risibí e sèn, pasobra tin indikashon ku e sèn lo a subi kèsh riba su kuenta. RST no por haña origen dje plaka. Nan ta sospecha fuertemente, ku e sèn lo a bini via di un kolega di partido Soberano, kende tin bon kontakto den mundu banke-ro na Kòrsou ku por a regla e transakshon. E kolega aki tambe a keda na Miami, Coral Gables promé i despues di e morto di Wiels. E situashon ta unu ku ta birando delikado, unda RST ta konfrontando un bloke resistensha fuerte pa lokual ta trata suministro di informashon, pero TGO ta insistiendo fuerte pa averiguá ta "ken a paga Wiels" i si ta pa faboman polítiko el a risibí e pago huntu ku su kolega di partido.*

4.5 mion di bara oro